

古詩源卷十四

長沙沈德潛確士選

陳詩

陰鏗

渡青草湖

亦作庚信詩

洞庭春瀟滿。平湖錦帆張。沅水桃花色。湘流杜若香。穴去茅山近。江連巫峽長。帶天澄迴碧。映日動浮光。行舟逗遠樹。度鳥息危檣。滔滔不可測。一葦詎能航。

廣陵岸送北使

言游考一四
行人引去節。送客艤歸艫。卽是觀濤處。仍爲郊贈衢。汀
洲浪已息。邗江路不紆。亭嘶背櫂馬。檣轉向風烏。海上
春雲雜。天際晚帆孤。離舟對零雨。別渚望飛鳥。定知能
下淚。非但一楊朱。

江津送劉光祿不及

依然臨送渚。長望倚河津。鼓聲隨聽絕。帆勢與雲鄰。泊
處空餘鳥。離亭已散人。林寒正下葉。釣晚欲收綸。如何
相背遠。江漢與城闔。

和傅郎歲暮還湘州

蒼茫歲欲晚。辛苦客方行。大江靜猶浪。扁舟獨且征。棠
枯絳葉盡。蘆凍白花輕。戍人寒不望。沙禽迴未驚。湘波
各深淺。空軫念歸情。

開善寺

鷺領春光遍。王城野望通。登臨情不極。蕭散趣無窮。鷺
隨入戶樹。花逐下山風。棟裏歸雲白。牕外落暉紅。古石

何年臥。枯樹幾春空。淹留昔未及。幽桂在芳叢。

詩至於陳專工

琢句古詩一綫絕矣少陵絕句云頗學陰何苦用心又贈太白云李侯有佳句往往似陰鏗此特賞其句非取其格也

徐陵

出自薊北門行

薊北聊長望。黃昏心獨愁。燕山對古刹。代郡隱城樓。屢
戰橋恆斷。長冰塹不流。天雲如地陣。漢月帶胡秋。漬土
泥函谷。按繩縛涼州。平生燕領相。會自得封侯。句巧

別毛永嘉

願子厲風規。歸來振羽儀。嗟余今老病。此別空長離。白
馬君來哭黃泉。我詎知徒勞脫寶劍。空挂隴頭枝。似達愈悲

孝穆集中
不易多得

關山月

關山三五夜。客子憶秦川。思婦高樓上。當牕應未眠。星
旗映疏勒。雲陣上祁連。戰氣今如此。從軍復幾年。

周弘讓

畱贈山中隱士

行行訪名嶽。處處必畱連。遂至一巖裏。灌木上參天。忽
見茅茨屋。曖曖有人煙。一士開門出。一士呼我前。相看
不道姓。焉知隱與僊。

清真似陶詩一派
陳隋時得之大難

周弘正

還草堂尋處士弟

四時易荏苒。百齡倏將半。故老多零落。山僧盡凋散。宿
樹倒爲查。舊水侵成岸。幽尋屬令弟。依然歸舊館。感物
自多傷。況乃春鶯亂。

江總

遇長安使寄裴尚書

傳聞合浦葉。遠向洛陽飛。北風尚嘶馬。南冠獨不歸。去
雲目徒送。離琴手自揮。秋蓬失處所。春草屢芳菲。太息
關山月。風塵客子衣。

入攝山棲霞寺

淨心抱冰雪。暮齒逼桑榆。太息波川迅。悲哉人世拘。歲
華皆採穫。冬晚共嚴枯。濯流濟八水。開襟入四衢。茲山
靈妙合。當與天地俱。石瀨乍深淺。崖煙遞有無。缺碑橫
古隧。盤木臥荒塗。行行備履歷。步步憐威紆。高僧跡共
遠。勝地心相符。樵隱各有得。丹青獨不渝。寺僧猶有朗
詮二師居士

明紹治中蕭
暉塑像圖

遺風佇芳桂。比德喻生芻。寄言長往客。淒

然傷鄙夫。

薄有清氣急當收入。○總持更有遊攝山詩
中云荷衣步林泉。麥氣涼昏曉亦佳句也。

南還尋草市宅

入隋後南
還之作

紅顏辭鞏洛。白首入轅轅。乘春行故里。徐步采芳蓀。徑
毀悲求仲。林殘憶巨源。見桐猶識井。看柳尙知門。花落
空難遍。鶯啼靜易諠。無人訪語默。何處敘寒溫。百年獨
如此。傷心豈復論。

并州羊腸坂

三春別帝鄉。五月度羊腸。本畏車輪折。翻嗟馬骨傷。驚
風起朔鴈。落照盡胡桑。關山定何許。徒御慘悲涼。

於長安歸還揚州九月九日行薇山亭賦韻
心逐南雲逝。形隨北雁來。故鄉籬下菊。今日幾花開。

哭魯廣達

爲韓擒虎所執遇害者

黃泉雖抱恨。白日自留名。悲君感義死。不作負恩生。

不嫌

自汗真情可憫

閨怨篇

寂寂青樓大道邊。紛紛白雪綺窗前。池上鴛鴦不獨自。
帳中蘇合還空然。屏風有意障明月。燈火無情照獨眠。
遼西水凍春應少。薊北鴻來路幾千。願君關山及早度。

照妾桃李片時妍。

竟似唐律稍降則爲填詞矣學者當防其漸

張正見

秋日別庾正員

征途愁轉旆。連騎慘停鑣。朔氣凌疏木。江風送上潮。青
雀離帆遠。朱鷺別路遙。唯有當秋月。夜夜上河橋。

遇好句不

十分卑弱者亦便收入鈔詩者至此眼界放下幾許矣

關山月

巖間度月華。流彩映山斜。暈逐連城壁。輪隨出塞車。唐
莫遙合影。秦桂遠分花。欲驗盈虛駛。方知道路賒。

秦置桂林

言桂林之花遠分于月中也

何胥

被使出關

出關登隴坂。回首望秦川。絳水通西晉。機橋指北燕。奔
流下激石。古木上參天。鶯啼落春後。雁度在秋前。平生
屢此別。腸斷自催年。鶯啼一聯極
言風景之異

韋鼎

長安聽百舌

萬里風煙異。一鳥忽相驚。那能對遠客。還作故鄉聲。

陳昭

昭君詞

跨鞍今永訣。垂淚別親賓。漢地隨行盡。胡關逐望新。交
河擁塞霧。隴日暗沙塵。唯有孤明月。猶能遠送人。雅音

北魏詩

附

劉昶

斲句

南史昶兵敗奔魏棄母妻惟攜妾一人騎馬自隨在道慷慨為斲句

白雲滿鄣來。黃塵暗天起。關山四面絕。故鄉幾千里。

常景

司馬相如

北史景淹滯門下積歲不至顯官以蜀司馬相如王褒嚴君平楊子雲皆

有高才而無重位乃託意以讚之

長卿有豔才。直致不羣性。鬱若春煙舉。皎如秋月映。遊
梁雖好仁。仕漢常稱病。清貞非我事。窮達委天命。

王褒

王子挺秀質。逸氣干青雲。明珠既絕俗。白鵠信驚羣。才

世苟不合。遇否遂自分。空枉碧雞命。徒獻金馬文。漢宣帝遣

王褒祀金馬碧雞之神。褒中道卒。故曰空枉曰徒獻云。

嚴君平

嚴君性沈靜。立志明霜雪。味道綜微言。端著演妙說。才
屈羅仲口。位結李強舌。素尚邁金貞。清標陵玉徹。

揚雄

蜀江導清流。揚子挹餘休。含光絕後彥。覃思邈前修。世
輕久不賞。名談物無求。當塗謝權寵。置酒得閑遊。

不及五君

詠者顏作能寫性情此只引得故實也以氣體大方收之

溫子昇

從駕幸金墉城

茲城實佳麗。飛蕈自相並。膠葛擁行風。峒堯閱流景。御
溝屬清洛。馳道通丹屏。湛淡水成文。參差樹交影。長門
久已閉。離宮一何靜。細草緣玉階。高枝蔭桐井。微微夕

渚暗蕭蕭暮風冷。神行揚翠旂。天臨肅清警。伊臣從下
列。逢恩信多幸。康衢雖已泰。弱力將安騁。略有三謝之體

擣衣

長安城中秋夜長。佳人錦石擣流黃。香杵紋砧知近遠。
傳聲遞響何淒涼。七夕長河爛。中秋明月光。蠶螿塞邊
逢候雁。鴛鴦樓上望天狼。直是唐人

胡叟

示陳伯達

北史叟入沮渠牧健牧健遇之不重乃爲詩示伯達云

羣犬吠新客。佞暗排疏賓。直途旣已塞。曲路非所遵。望

衛惋祝鮀。盼楚悼靈。均何用宣。憂懷託翰。寄輔仁。輔仁是康

樂一種用法其詞太直在北朝取其風格

胡太后

楊白花

梁書楊華少有勇力容貌雄偉魏太后通通之華懼及禍乃率其部曲降梁太

后思之爲作楊白花歌使宮人連臂躡足歌之聲甚悽惋

陽春二三月。楊柳齊作花。春風一夜入。閨闈。楊花飄蕩

落南家。含情出戶。腳無力。拾得楊花。淚沾臆。春去秋來

雙燕子。願銜楊花入窠裏。

音韻纏綿令讀者忘其穢褻後人作此題竟賦楊花失其

旨矣柳子厚一篇若隱若露劇佳

咸陽王歌

北史後魏咸陽王禧謀逆伏誅後宮人爲之歌其歌流於江表北人在南

者弦管奏之莫不泣下也

可憐咸陽王。奈何作事誤。金牀玉几不能眠。夜踏霜與露。洛水湛湛彌岸長。行人那得渡。

深情出以婉節自能動人一時文人詩淺

率無味媿宮中女子多矣

李波小妹歌

魏書廣平人李波宗族強盛殘掠不已百姓爲之語云云刺史李安

世誘波等殺之州內肅然

李波小妹字雍容。褰裙逐馬如卷蓬。左射右射必疊雙。婦女尙如此。男子安可逢。

邢邵

思公子

綺羅日減帶。桃李無顏色。思君君未歸。歸來豈相識。

祖斑

挽歌

昔日驅駟馬。謁帝長楊宮。旌懸白雲外。騎獵紅塵中。今來向漳浦。素蓋轉悲風。榮華與歌笑。萬里盡成空。

鄭公超

送庾羽騎抱

舊宅青山遠。歸路白雲深。遲暮難爲別。搖落更傷心。空
城落日影。迴地浮雲陰。送君自有淚。不假聽猿吟。新翻得

蕭愨

上之回

發軔城西時。回輿事北遊。山寒石道凍。葉下故宮秋。朔
路傳清警。邊風卷畫旒。歲餘巡省畢。擁仗返皇州。聲律俱諧

唐音中之佳者

和崔侍中從駕經山寺

鉤陳夜警微。河漢曉參橫。游騎騰文馬。前驅轉翠旌。野

禽喧曙色。山樹動秋聲。雲表金輪見。巖端畫棋明。塔疑
從地湧。蓋似積香成。泉高下溜急。松古上枝平。儀台多
北思。麗藻蔚緣情。自嗤非照乘。何以繼連城。

秋思

清波收潦日。華林鳴籟初。芙蓉露下落。楊柳月中疏。燕
幃綉綺被。趙帶流黃裾。相思阻音息。結夢感離居。芙蓉一聯
不從雕琢而得自是佳句

顏之推

古意

十五好詩書。二十彈冠仕。楚王賜顏色。出入章華裏。作
賦凌屈原。讀書誇左史。數從明月譙。或侍朝雲祀。登山
摘紫芝。泛江採綠芷。歌舞未終曲。風塵暗天起。吳師破
九龍。秦兵割千里。狐兔穴宗廟。霜露沾朝市。璧入邯鄲
宮。劍去襄城水。未獲殉陵墓。獨生良足恥。憫憫思舊都。
惻惻懷君子。白髮窺明鏡。憂傷沒餘齒。

直述中懷
轉見古質

從周入齊夜度砥柱

俠客重艱辛。夜出小平津。馬色迷關吏。雞鳴起戍人。露
鮮華劍彩。月照寶刀新。問我將何去。北海就孫賓。

後漢書中

正言初考一四
常侍唐衡兄唐玳盡殺趙岐家屬岐逃難江湖間匿名
賣餅時孫嵩察岐非常人曰我北海孫賓碩因藏岐復
壁中數年諸唐後
滅岐因赦乃免

馮淑妃

感琵琶絃

本齊主后后爲周師所獲以賜代
王達侍王彈琵琶因絃斷作詩

雖蒙今日寵猶憶昔時憐欲知心斷絕應看膝上弦

斛律金

敕勒歌

北史北齊神武使斛
律金唱敕勒自和之

敕勒川陰山下天似穹廬籠蓋四野天蒼蒼野茫茫風
吹草低見牛羊莽莽而來自然高古漢人遺響也

童謠

北史齊本紀後魏末文宣未受禪時有童謠按藁然兩頭子文爲高河邊殺癩水邊

羊帝名也

一束藁兩頭然河邊殺癩飛上天

北周詩

附

庾

信

陳隋閒人但欲得名句耳子山於琢句中復饒清氣故能拔出於流俗中所謂軒鶴

立雞羣者耶○子山詩固是一時作手以造句能新使事無迹比何水部似又過之武陵陳亂倩謂

少陵不能青出於藍直是亦步亦趨則又太甚矣名句如步虛詞云漢帝看桃核齊侯問棗花山池

云荷風驚浴鳥橋影聚行魚和宇文內史云樹宿

含櫻鳥花畱釀蜜蜂軍行云塞迴翻榆葉關寒落

雁毛法筵云佛影胡人記經文漢語翻詞薛文學

云羊腸連九阪熊耳對雙峰和人云早雷驚蟄戶

流雪長河源。園庭云樵隱。恆同路人禽。或對巢清
晨。臨汎云猿嘯。風還急。雞鳴潮欲來。冬狩云驚雉。
逐鷹飛。騰猿看箭轉。和人云絡緯。無機織。流螢帶
火寒。咏畫屏。云石險。松橫植。岩懸澗。豎流愛靜魚。
爭樂依人鳥。入懷夢入堂內。云日光釵。
影動窗影鏡。花搖少陵所云清新者耶。

商調曲

君以宮唱寬大而謨明。聞義則可行。有熊爲政。訪道於
容成。殷湯受命。委任於阿衡。忠其敬事。有罪不逃。刑誦
其箴。諫言之無隱情。有剛有斷。四方可以寧。旣頌旣雅。
天下乃昇平。專精一致。金石爲之開。動其兩心。妻子恩
情乖。苟利社稷。無有不盡。襄昊天降祐。元首惟康哉。
黃帝

有熊氏命容
成作蓋天

禮樂既正。神人所以和。玉帛有序。志欲靜干戈。各分符
瑞。俱誓裂山河。今日相樂對酒。且當歌。道德以喻。聽撞
鐘之聲。神奸不若。觀鑄鼎之形。鄴宮既朝。諸侯于是。穆
岐陽或狩。淮夷自此平。若涉大川。言憑于舟楫。如和鼎
寶。有寄於鹽梅。君臣一體。可以靜氛埃。得人則治。何世
無奇才。

別爲一體。當存以備觀覽。在爾時宗廟之樂。亦用靡靡。此如黃桴土鼓也。

烏夜啼

促柱繁絃。非子夜。歌聲舞態異前溪。御史府中何處宿。

洛陽城頭那得棲。彈琴蜀郡卓家女。織錦秦川竇氏妻。
詎不自驚長淚落。到頭啼烏恆夜啼。

對酒歌

春水望桃花。春洲藉芳杜。琴從綠珠借。酒就文君取。牽
馬向渭橋。日曝山頭晡。山簡接羅倒。王戎如意舞。箏鳴
金谷園。笛韻平陽塢。人生一百年。歡笑惟三五。何處覓
錢刀。求爲洛陽賈。起結致佳。○作意欬奇。終歸平順。風氣使然也。

奉和泛江

春江下白帝。畫舸向黃牛。錦纜回沙磧。蘭橈避荻洲。溼

花隨水泛空巢逐樹流。建平船梯下。荆門戰艦浮。岸社
多喬木。山城足迴樓。日落江風靜。龍吟迴上游。

同盧記室從軍

河圖論陣氣。金匱辨星文。地中鳴鼓角。天上下將軍。函
犀恆七屬。絡鐵本千羣。飛梯聊度絳。合弩暫凌汾。寇陣
先中斲。妖營卽兩分。連烽對嶺度。嘶馬隔河聞。箭飛如
疾雨。城崩似壞雲。英王於此戰。何用武安君。

至老子廟應詔

虛無推馭辨。寥廓本乘蜺。三門臨苦縣。九井對靈谿。盛

丹須竹節。暈藥用刀圭。石似臨邛芋。芝如封禪泥。音

毛新鵠。小盤根古樹低。野戍孤煙起。春山百鳥啼。路有

三千別途經。七聖迷。唯當別關吏。直向流沙西。神仙傳

有三門郡國志苦縣老子廟有九井。悠悠三千路難涉矣。趙至語七聖俱迷用軒轅訪道事。

擬咏懷

無窮孤憤傾吐而出。工拙都忘不專擬阮

疇。昔國事遇生平。知己恩直言。珠可吐。靈知炭可吞。一

顧重尺璧。千金輕一言。悲傷劉孺子。悽愴史皇孫。無因

同武騎。歸守霸陵園。

榆關斷音信。漢使絕經過。胡笳落淚曲。羌笛斷腸歌。纖

腰減束素。別淚損橫波。恨心終不歇。紅顏無復多。枯木
期填海。青山望斷河。

搖落秋爲氣。淒涼多怨情。啼枯湘水竹。哭壞杞梁城。天
亡遭憤戰。日蹙值愁兵。直虹朝映壘。長星夜落營。楚歌
饒恨曲。南風多死聲。眼前一杯酒。誰論身後名。

橫流邁屯戩。上慘結重氛。哭市聞妖獸。頽山起怪雲。綠
林多散卒。清波有敗軍。智士今安用。忠臣且未聞。惜無

萬金產。東求滄海君。

隋巢子三苗大亂龍
生于廟大哭于市

日晚荒城上。蒼茫餘落暉。都護樓蘭返。將軍疏勒歸。馬

有風塵色人多關塞衣陣雲平不動秋蓬卷欲飛聞道
樓船戰今年不解圍

蕭條亭障遠悽愴風塵多關門臨白狄城影入黃河秋
風別蘇武寒水送荆軻誰言氣蓋世晨起帳中歌

城影句悲

壯

步兵未飲酒中散未彈琴索索無真氣昏昏有俗心涸
鮒常思水驚飛每失林風雲能變色松竹且悲吟由來
不得意何必往長岑

易震卦云
震索索

悲歌度燕水弭節出陽關李陵從此去荆卿不復還故

人形影滅音書兩俱絕遙看塞北雲懸想關山雪遊子

河梁上應將蘇武別如聞羽聲末路但收李陵古人章法

喜晴應詔敕自疏韻

御辯誠膺錄維皇稱有建雷澤昔經漁負夏時從販柏
梁驂駟馬高陵馳六傳有序屬賓連無私表平憲河堤
崩故柳秋水高新堰心齋愍昏墊樂徹憐胥怨禪河秉
高論法輪開勝辯王城水鬪息洛浦河圖獻伏泉還習
坎歸風已回巽桐枝長舊圃蒲節抽新寸山藪欣藏疾
幽棲得無悶有慶兆民同論年天子萬高陵句用漢文
本紀乘六傳至

高陵事周明帝之立亦相似也。穀洛水關見國語

和王少保遙傷周處士

王少保襄集
關此題詩

冥漠爾遊岱。悽涼余向秦。雖言異生死。同是不歸人。昔
余仕冠蓋。值子避風塵。望氣求真隱。伺關待逸民。忽聞
泉石友。芝桂不防身。悵然張仲蔚。悲哉鄭子真。三山猶
有鶴。五柳更應春。遂令從渭水。投弔往江濱。

奉和永豐殿下言志

立德齊今古。資仁一毀譽。無機抱璽汲。有道帶經鋤。處
下唯名惠。能賢本姓蓮。未論驚寵辱。安知繫慘舒。

詠畫屏風詩

昨夜烏聲春驚鳴。動四鄰。今朝梅樹下定有詠花人流。
星浮酒泛粟瑱繞杯脣。何勞一片雨。喚作陽臺神。
三危上鳳翼。九坂度龍鱗。路高山裏樹雲低。馬上人懸
崖泉溜響。深谷烏聲春。住馬來相問。應知有姓秦。

梅花

當年臘月半。已覺梅花闌。不信今春晚。俱來雪裏看。樹
動懸冰落。枝高出手寒。早知覓不見。真悔著衣單。

古人詠梅

清高越俗。後人愈刻畫。愈覺粘滯。古人取神。後人取形也。

寄徐陵

故人倘思我。及此平生時。莫待山陽路。空聞吹笛悲。

和侃法師

客遊經歲月。羈旅故情多。近學衡陽雁。秋分俱渡河。

重別周尚書

陽關萬里道。不見一人歸。唯有河邊雁。秋來南向飛。從

山時勢地位想之愈見可悲

王褒

關山篇

從軍出隴坂。驅馬度關山。關山恆掩藹。高峰白雲外。遙望秦川水。千里長如帶。好勇自秦中。意氣多豪雄。少年便習戰。十四已從戎。遼水深難渡。榆關斷未通。

渡河北

秋風吹木葉。還似洞庭波。常山臨代郡。亭障繞黃河。心悲異方樂。腸斷隴頭歌。薄暮臨征馬。失道北山河。起調甚高

隋詩

煬帝

煬帝詩能作雅正語比陳后主勝之

飲馬長城窟行示從征羣臣

言部卷一四
肅肅秋風起。悠悠行萬里。萬里何所行。橫溪築長城。豈
台小子智。先聖之所營。樹茲萬世策。安此億兆生。詎敢
憚焦思。高枕於上京。北河秉武節。千里捲戎旌。山川互
出沒。原野窮超忽。縱金止行陣。鳴鼓興士卒。千乘萬騎
動。飲馬長城窟。秋昏塞外雲。霧暗關山月。綠巖驛馬上。
乘空烽火發。借問長城候。單于入朝謁。濁氣靜天山。晨
光照高闕。釋兵仍振旅。要荒事方舉。飲至告言旋。功歸
清廟前。

白馬篇

白馬金貝裘。橫行遼水傍。問是誰家子。宿衛羽林郎。文
犀六屬鎧。寶劍七星光。山虛弓響徹。地迴角聲長。宛河
推勇氣。隴蜀擅威強。輪臺受降虜。高闕翦名王。射熊入
飛觀。校獵下長楊。英名欺衛霍。智策蔑平良。島夷時失
禮。卉服犯邊疆。徵兵集薊北。輕騎出漁陽。進軍隨日暈。
挑戰逐星芒。陣移龍勢動。營開虎翼張。衝冠入死地。攘
臂越金湯。塵飛戰鼓急。風交征旆揚。轉鬪平華地。追奔
掃鬼方。本持身許國。況復武功彰。會令千載後。流譽滿

旗常。

二章氣體自闊大而骨力未能
振起故知風格初成菁華未備

楊

素

武人亦復奸雄而詩格清遠轉似出世高人真不可解

山齋獨坐贈薛內史二首

居山四望阻風雲。竟朝夕深溪橫古樹。空巖臥幽石。日出遠岫明。鳥散空林寂。蘭庭動幽氣。竹室生虛白。落花入戶飛。細草當階積。桂酒徒盈樽。故人不在席。日落山之幽。臨風望羽客。

巖壑澄清景。景清巖壑深。白雲飛暮色。綠水激清音。澗戶散餘彩。山窗凝宿陰。花草共榮映。樹石相陵臨。獨坐對陳榻。無客有鳴琴。寂寂幽山裏。誰知無悶心。

贈薛播州

北史素以詩遺薛道衡薛曰人之將死其言也善若是乎未幾而卒

在昔天地閉。品物屬屯蒙。和平替王道。哀怨結人風。麟傷世已季。龍戰道將窮。亂海飛羣水。貫日引長虹。干戈

異。革命揖讓非至公。

落句是奸雄語曹孟德時或有此

兩河定寶鼎。八水域神州。函關絕無路。京洛化爲邱。漳溢爾連沼。涇渭余別流。生郊滿戎馬。涉路起風牛。班荆疑莫遇。贈綺竟無由。

道昏雖已朗。政故猶未新。剝舟洄水際。結網大川濱。出遊迎釣叟。入夢訪幽人。植林雖各樹。開榮豈異春。相逢

言海考一四
一時泰共幸百年身。

植林一聯言己與薛各奮事功遺詞甚雅

荏苒積歲時。契闊同遊處。闔闔既趨朝。承明還宴語。上林陪羽獵。甘泉侍清曙。迎風含暑氣。飛雨淒寒序。相顧惜光陰。畱情共延佇。

滔滔彼江漢。實爲南國紀。作牧求明德。若人應思美。高臥未褰帷。飛聲已千里。還望白雲天。日暮秋風起。峴山君儻遊。淚落應無已。

漢陰政已成。嶺表人猶蠹。彈冠比方新。還珠總如故。楚人結去思。越俗歌來暮。陽鳥尙歸飛。別雀還迴顧。君見

南枝巢應思北風路

養病願歸閑。居榮在知足。棲遲茂林下。優游滄海曲。故
人情可見。今人遵路矚。荒居接野窮。心物俱非俗。桂樹
芳叢生。山幽竟何欲。

秋水魚游日。春樹鳥鳴時。濠梁暮共往。幽谷有相思。千
里悲無駕。一見杳難期。山河散瓊蘂。庭樹下丹滋。物華
不相待。遲暮有餘悲。

銜悲向南浦。寒色黯沈沈。風起洞庭險。煙生雲夢深。獨
飛時募侶。寡和乍孤音。木落悲時暮。時暮感離心。離心

多苦調。詎假雍門琴。

從天下之亂說。到定鼎。次說求材。次說立朝。次說薛之出守。領其政。

成次說己之歸閑。未致相思之意。一題幾章。須具此章法。○未嘗不排而不覺排偶之迹。骨高也。

盧思道

遊梁城

揚鑣歷汴浦。迴扈入梁墟。漢藩文雅地。清塵曖有餘。賓
遊多任俠。臺苑盛簪裾。歎息徐公劍。悲涼鄒子書。亭臯
落照盡。原野沍寒初。鳥散空城夕。煙銷古樹疏。東越嚴
子陵。西蜀馬相如。修名竊所慕。長謠獨課虛。

薛道衡

昔昔鹽

昔昔猶夜夜也鹽引之轉而謔也

垂柳覆金堤。薜蘿葉復齊。水溢芙蓉沼。花飛桃李蹊。採
桑秦氏女。織錦竇家妻。關山別蕩子。風月守空閨。恆斂
千金笑。長垂雙玉啼。盤龍隨鏡隱。彩鳳逐帷低。飛魂同
夜鶴。倦寢憶晨雞。暗牖懸蛛網。空梁落燕泥。前年過代
北。今歲往遼西。一去無消息。那能惜馬蹏。暗牖懸蛛網二句從張景陽青苔依空墻蜘蛛網四屋化出而其發原則在伊威在室蠶蛸在戶但後人愈巧耳

敬酬楊僕射山齋獨坐

相望山河近。相思朝夕勞。龍門竹箭急。華岳蓮花高。岳

高障重疊。鳥道風煙接。遙原樹若薺。遠水舟如葉。葉舟
旦旦浮。驚波夜夜流。露寒洲渚白。月冷函關秋。秋夜清
風發。彈琴卽鑑月。雖非莊舄歌。吟咏常思越。

楊素封越國公。遙

原二語孟襄陽祖此句法

人日思歸

入春纔七日。離家已二年。人歸落雁後。思發在花前。

虞世基

出塞

上將三略遠。元戎九命尊。恤懷古人節。思酬明主恩。山

西多勇氣。塞北有遊魂。揚桴度隴坂。勒騎上平原。誓將
絕沙漠。悠然去玉門。輕齋不遑舍。驚策驚戎軒。懍懍邊
風急。蕭蕭征馬煩。雪暗天山道。水塞交河源。霧烽黯無
色。霜旗凍不翻。耿介倚長劍。日落風塵昏。

入關

隴雲低不散。黃河咽復流。關山多道里。相接幾重愁。

孫萬壽

和周記室遊舊京

大夫愍周廟。王子泣殷墟。自然心斷絕。何關繫慘舒。僕

本漳濱士。舊國亦淪胥。紫陌風塵起。青壇冠蓋疏。臺留
子建賦。宮落仲將書。譙周自題柱。商容誰表閭。聞君懷
古曲。同病亦漣洳。方知周處歎。前後信非虛。三四語翻
得高韋誕

字仲將。爲魏書。凌雲臺者。周處將戰死歎
曰。軍無後繼。必敗。不徒身亡。爲國取恥。

早發揚州還望鄉邑

鄉關不再見。悵望窮此晨。山煙蔽鍾阜。水霧隱江津。洲
渚斂寒色。杜若變芳春。無復歸飛羽。空悲沙塞塵。

東歸在路率爾成咏

學宦兩無成。歸心自不平。故鄉尚千里。山秋猿夜鳴。人

愁慘雲色。客意慣風聲。羈恨雖多緒。俱是一傷情。

王 胃

別周記室

五里徘徊雀。三聲斷絕猿。何言俱失路。相對泣離樽。別路悽無已。當歌寂不喧。貧交欲有贈。掩涕竟無言。

尹 式

別宋常侍

遊人杜陵北。送客漢川東。無論去與住。俱是一飄蓬。秋鬢含霜白。衰顏倚酒紅。別有相思處。啼烏雜夜風。

孔德紹

送蔡君知入蜀

金陵已去國。銅梁忽背飛。失路遠相送。他鄉何日歸。

夜宿荒村

綿綿夕漏深。客恨轉傷心。撫絃無人聽。對酒時獨斟。故鄉萬里絕。窮愁百慮侵。秋草思邊馬。遶枝驚夜禽。風度谷餘響。月斜山半陰。勞歌欲敘意。終是白頭吟。

孔紹安

落葉

早秋驚落葉。飄零似客心。翻飛未肯下。猶言惜故林。頗能

托寄

別徐永元秀才

金湯既失險。玉石乃同焚。墜葉還相覆。落羽更爲羣。豈謂三秋節。重傷千里分。促離絃易轉。幽咽水難聞。欲識相思處。山川閒白雲。墜葉一聯比亂離之後。兩人結契非尋常。寫景下轉到惜別。

陳子良

送別

落葉聚還散。征禽去不歸。以我窮途泣。沾君出塞衣。不堪

○亦見何遜
集略有異同

七夕看新婦隔巷停車

隔巷遙停幃。非復爲來遲。只言更尙淺。未是渡河時。寫來

合并無迹

王申禮

賦得巖穴無結構

巖閒無結構。谷處極幽尋。葉落秋巢迴。雲生石路深。早梅香野徑。清澗響邱琴。獨有棲遲客。畱連芳杜心。

呂讓

和入京

俘囚經萬里。憔悴度三春。髮改河陽鬢。衣餘京洛塵。鍾
儀悲去楚。隨會泣畱秦。旣謝平吳利。終成失路人。

明餘慶

從軍行

三邊烽亂驚。十萬且橫行。風卷常山陣。笳喧細柳營。劍
花寒不落。弓月曉逾明。會取淮南地。持作朔方城。劍花一聯

唐人極摹此種句法

大義公主

公主後周宇文氏女。嫁爲突厥沙鉢略妻。初名千金公主。隋滅周。自傷宗祀。絕

滅每裏復隋之志。日夜言於沙鉢略。悉眾爲寇。後沙鉢略內附。賜姓楊氏。改封大義公主。隋平陳後。以陳叔寶屏風賜主。主心恆不平。因書屏風爲詩。

書屏風詩

盛衰等朝暮。世道若浮萍。榮華實難守。池臺終自平。富貴今何在。空事寫丹青。杯酒恆無樂。弦歌詎有聲。余本皇家子。飄流入虜庭。一朝覩成敗。懷抱忽縱橫。古來共如此。非我獨申名。唯有明君曲。偏傷遠嫁情。英氣勃勃。事雖不成。精衛之志。不可泯滅。

無名氏

送別詩

楊柳青青著地垂。楊花漫漫攬天飛。柳條折盡花飛盡。

借問行人歸不歸。

竟似盛唐人手筆。○東虛記云此詩作於大業末年。指煬帝巡遊無度民

窮財盡望其返國五子作歌之意也

雞鳴歌

東方欲明星爛爛。汝南晨雞登壇喚。曲終漏盡嚴具陳。月沒星稀天下旦。千門萬戶遞魚鑰。宮中城上飛烏鵲。

古詩源卷十四終